



Број/Број: **03/1-50-14-7-19/13**
Сарајево/Sarajevo, 24. 1. 2013. godine

PREDMET: Informacija o održanoj Regionalnoj konferenciji parlamentarnih komisija za odbranu i sigurnost

U organizaciji Zajedničke komisije za odbranu i sigurnost BiH i Centra za sigurnosnu saradnju u Jugoistočnoj Europi (RACVIAC), 13. i 14.12.2012. godine se u Rakitju, R Hrvatska, održala dvodnevna Regionalna konferencija parlamentarnih komisija za odbranu i sigurnost u Jugoistočnoj Evropi.

Učešće u radu Konferencije uzeli su članovi parlamentarnih komisija koje se bave demokratskim nadzorom sektora odbrane i sigurnosti iz: Albanije, Bosne i Hercegovine, Crne Gore, Hrvatske, Makedonije i Turske.

U ime Parlamentarne skupštine BiH u radu Konferencije učestvovali su: predsjedavajuća Dušanka Majkić, članovi Zajedničke komisije za odbranu i sigurnost Nermina Zaimović – Uzunović i Krunoslav Vrdoljak, Željko Grubešić-stručni savjetnik i Jovica Katić-stručni saradnik u Uredu sekretara te parlamentarni vojni povjerenik BiH Boško Šiljegović.

Konferencija je predstavljala nastavak niza aktivnosti koje je Zajednička komisija za odbranu i sigurnost Parlamentarne skupštine BiH, u suradnji sa RACVIAC-om, organizirala u proteklom periodu kao forum parlamentaraca iz zemalja Jugoistočne Europe i istaknutih stručnjaka za područje odbrane i sigurnosti na temu parlamentarnog nadzora nad sektorom odbrane i sigurnosti.

Konferencija se održala s ciljem razmjene iskustava i najboljih praksi u radu komisija koje vrše parlamentarni nadzor sektora odbrane i sigurnosti u zemljama Jugoistočne Europe, primjene postojeće legislative, te daljeg poboljšanja parlamentarnog nadzora u regiji.

Tokom Konferencije predstavnici komisija za odbranu i sigurnost parlamenata Jugoistočne Evrope razmjenili su svoja iskustva o izazovima koji se nalaze pred demokratskim nadzorom sektora odbrane i sigurnosti u regionu, alatima parlamentarnog nadzora, zakonodavnim okvirima u skladu sa kojima vrše svoj nadzor, te provođenju procesa parlamentarnih saslušanja i istraga.

Predstavnici parlamenata razgovarali su i o demokratskoj kontroli budžeta sektora odbrane i sigurnosti, te uslovima za efikasnu demokratsku kontrolu nacionalne sigurnosti unutar svake države.

Konferencija je organizirana uz podršku NATO Štaba Sarajevo, Misije OSCE u BiH i Centra za demokratsku kontrolu oružanih snaga (DCAF) iz Ženeve.

PREDSJEDAVAJUĆA KOMISIJE
Dušanka Majkić

Dostavljeno:

- Naslovu
- a/a